

Powšitkowne WOZJEWJENJA

njedźelu, 12. meje 2019

Zawod do nabožneho tydźenja

Pomocnicy lětušeho nabožneho tydźenja su wutrobnje na zawodne zarjadowanje přeprošeni, kotrež wotměje so pónđzelu, 20. meje, wot 9.30 hodź hač do něhdže 14 hodź. w Budyšinje na farje, Při Pětrowej cyrkwi 7. Wobdźělnikam sposerdkuje so přehlad wo jednotlivych dnjach a wobsahach, bibliskich stawiznach a spěwach kaž tež wo kreatiwnych poskitkach. Zajimcy njech so prošu hač do pónđzele, 13. meje, pod telefonowym čisłom (03 57 96) 88 707 abo z mailku na worklecy-kise@gmx.de přizjewja.

Sakski konopej w Smochćicach

„Kak swobodnje rozprawjeja naše medije?“ rěka tema zarjadowanja pjatk, 17. meje, w 19.00 hodź. w Smochčanskim Domje biskopa Bena. Na tak mjenowanym Sakskim konopeju budžetaj dr. Peter Frey, šefredaktor ZDF, a Ine Dippmann, rozhlósowa korespondentka sčelaka MDR, sedžeć. Moderaciju změje Daniel Heinze z cyrkwinskeje redakcije Radija PSR.

Program k projektej „Swětło pozbudža“

We wobłuku wumělstwoweho projekta „Swětło pozbudža“ změje profesor dr. Gert Pickel z Lipska srjedu, 15. meje, w 19.30 hodź. we Budyskej ewangelskej wosadnicy Při měšćanskim nasypje 12 přednošk k temje „Što ludžo wěrja – nowa nabožnosć abo ateizm?“. 56lětny profesor Pickel je sociologa a politiski wědomostnik. Wot lěta 2009 skutkuje wón jako profesor cyrkwinskeje a nabožneje sociologije na teologiskej fakulće Lipšćanskeje university. W nowšim času zaběra so wón mjez druhim z analyzu sekularizowanja, wotwobroćenja jednotlivcow abo towaršnosće wot cyrkwe.

Cyłkowny program projekta „Swětło pozbudža“ je pod www.posol.de wozjewjeny.

Nalětni koncert Lipy

Chór Lipa přeprošuje zhromadnje z Křescansko-socialnym kubłanskim skutkom na nalětni koncert, kotryž budže njedźelu, 26. meje, w 15.30 hodź. na klósterskej zahrodze w Pančicach-Kukowje. Program wuhotuja Lipjenjo a česka skupina Lidová.